

S.O.S. ZEBRA!

Mobilité sostenible y segura.



AUTONOME PROVINZ BOZEN - SÜDTIROL

Abt. 12 Straßendienst und Abt. 38 Mobilität



PROVINCIA AUTONOMA DI BOLZANO - ALTO ADIGE

Rip. 12 Servizio Strade e Rip. 38 Mobilità

PROVINCIA AUTONOMA DE BULSAN - SÜDTIROL

Rep. 12 Servisc stredes y Rep. 38 Mubiltà

En colaboraziun cun:





STRISCIORES PEDONALES?

I savun d'uc ci che al é y
ci che i un da fá. Bëgn, sigü?



I mutons mpera scialdi abenëura a
passé via la stredes sun la strisces
da jì a pe y nce nëus granc se te-
nion per l solit a chësta regula.

Ma iel pa propi nsci? Y respetons'á
nce tan la regules n cont dla ze-
bres canche jon cun l auto o cun
la roda?

L ie da muië che l'educazion sun
streda ne ie nia for tan cusciën-
ziëusa. Cun chësc cudejel ulessans
miuré la situazion y chël a na ma-
niera sustenibla.

Tulëve d'áurela de liejer chësta
plates y mpeniëve a mèter tla pra-
tica chisc cunsëies tla vita da uni
dì. Ve mbince de jì bën sun nosta
stredes.


Florian Mussner
Assessor Provinzial



PORDËRT




Les strisciores pedonales ti òga a chi che vá a pe por passé ia la strada a na manira sigüda y zënza impedimënc. Por oje l'atenziun de che che vá cun l'auto sön les strisciores pedonales, vëgnel metü, dlungia les strisciores pedonales ia por funz, da tramesdöes les perts olache an passa ia la strada, tofles cun scrit lassura "Atenziun attraversamënt pedonal". Chëstes tofles ne ciafonia olache al é n semafer.

Les strisciores blances sön les strades provinçiales é altamo 3 metri lunges ti zëntri abità, y altamo 4 metri lunges ti zëntri extraurbans. Sön les strades statales deperpores altamo 4 o 5 metri lunges.

Sce che che vá a pe ó passé ia la strada sön les strisciores pedonales ciarel naota a man ciampa y a man dërta, y impormó canche i auti che vëgn da tramesdöes les perts stá chic, passel ia la strada.



ÈL DÈR SAURÍ



I dèrc y i dovèis che reverda les strisciores pedonales vègn regolamentá dal Codesc dla Strada.

Sides chi che vá a pe che chi che vá cun l'auto, cun le motor y cun la roda mèss se tigní a chèstes regoles, y sce ai ne le fej nia vègni strafá y al ti vègn tut demez punc dla patent.

Mo chësc é bëgn ma la mëndra sce an tègn cunt che ca. le 18% di inziènc mortai á da fá cun che che vá a pe sòn les strisciores pedonales. La gauja é sovènz liada al nia sté chit y al telefoné tratan che an vá cun l'auto. De plü informaziuns é da ciafé sòn les prosciames plates.



REGOLES POR CHI CHE VÁ CUN L'AUTO

De chi che vá cun l'auto nen él deplü sön les
strades y porchël mëssi mëte ciamó plü averda
a chi che vá a pe.





A che che vá a pe, che **mostra da orëi passé ia** na strada, mësson dagnora **ti dé la prezedënza.**

162 €
8-16 punc



Sce al ne n'é degönes strisciores pedonales mëss che che vá cun l'auto **aspeté** cina che che vá a pe á passé ia la strada **a na moda sigüda.**

162 €
4-8 punc



A n auto che stá chit dan les strisciores pedonales por lascé passé ia zacai che vá a pe, ne pón **nia ti jí dant.**

162 €
10-20 punc



Sön les strisciores pedonales **ne pón nia sté chic o parché.** Al é ince proibí da sté chic sön les strisciores pedonales sce al é na coda d'áuti.

40 € - 84 €
remozuon



Sce **porsones che se fej ert da jí** passa ia la strada, mësson dagnora sté chic daldöt.


162 €
8-16 punc



Situaziuns de prigo gaujades da n comportamënt falé de jënt atempada o mituns, mëss gní odüdes adora assá y tignides fora.


162 €
8-16 punc






Por passé ia la strada mësson dagnora **jí sòn les strisciores pedonales**, sce chëstes ne n'é nia plü dalunc co **100 m** dal punt de attraversamënt.

€ 25




Incrujades y plazes ne pó nia gní passades ia **diagonalmënter**, mo roduntaia.

€ 25




Sce al é n **tru da jí a pe**, mësson jí sòn chël. Sce al n'un n'é degun, mësson jí a man ciampa dla strada, tla direziun contrara da chëra che al vëgn i auti.

€ 25




Sòn les **strades da öna na direziun** zënza n tru da jí a pe, mësson dagnora jí a man dërta **tla direziun di auti**.

€ 25



Canche al é **scür** y sòn les trasses extraurbanes mësson jí **un do l'ater** sòn ur de strada.

€ 25



Al é **proibí** da passé ia la strada **dan n autobus chit**.

€ 25






REGOLES POR CHI CHE VÁ A PE

Che che vá a pe ne n'á nia sciöche che che vá cun l'auto, la poscibilité da podëi smorzé la colijiun. Porchël él ciamó plü important da se tigní al codesc dla strada.


Sön les strisciores pedonales
mësson sburlé la roda.






Sc'an é cun la roda él da gní jö de roda y se la sburlé da passé ia la strada sön les strisciores pedonales.

€ 25




Sön le marciapîsc ne pón nia jí cun la roda, mo an mëss se la sburlé.

€ 25




An ne pó nia jí cun la roda zënza mans, öna na man dess dagnora ester sön la stangia da rovëne.

€ 25




An ne dess nia telefoné cun le fonin tratan ch'an vá cun la roda.

€ 161



Sön la roda dessel dagnora ma ester öna na porsona. Porsones de majera eté pó lascé senté n möt iadedô te n sentarel.

€ 25



Defora dai zëntri de paisc dess chi che vá cun la roda jí un indolater. Mituns cina 10 agn pó jí dlungia na porsona de majera eté.

€ 25



REGOLES POR CHI CHE VA CUN LA RODA

Chi che vá cun la roda ne la tol nia tan avisa
cun les regoles sön strada. Mo metede averda:
al podess ester prigorús y gní a costé cer.



Chi che vá cun la roda
mëss se la sburlé da passé
ia la strada sön les
strisciores pedonales.



RACOMANAZIUNS

por chi che vá a pe

- [*] Se vistí **guanc lominusc** canche al é scür.
- [*] Se vistí guanc da **strisciores che refletëia o corpec da strisciores che refletëia**, o tó na **patrî** da sëra.
- [*] Tó tasces cun **strisciores che refletëia**.
- [*] Mai passé ia **fora de nia** les strisciores pedonales.
- [*] Mostré avisa che **an ó** passé ia la strada sòn les strisciores pedonales.
- [*] Mëte man da passé ia la strada sòn les strisciores pedonales impormó canche al ne n'é plü degun prigo.

por chi che vá cun la roda

- [*] Jí sòn trus da rodes, olache al n'é!
- [*] Al é damí da passé ia incrujades prigoroses sòn les strisciores pedonales, mo la roda mësson se sburlé!
- [*] Se vistí dagnora l'elm!
- [*] Ciaré che les löms dla roda funzionëies!





↳ por chi che vá cun l'auto

- [*] Mète dagnora averda a **chi che vá a pe** y ester dagnora arjigná da arferé.
- [*] Ti dé da intène cun na man a chi che vá a pe che ai pó passé ia la strada, impormó canche an é sigüsc che al ne n'é degügn che se vá dant o vègn adincuntra.
- [*] Ester dagnora arjigná a impreodüdes, **s'architè sce an dubitèia**.
- [*] Mète averda ales strisciores pedonales atira do n rondel.



Faturs de prigo por chi che vá a pe y por chi che vá cun la roda

- > Aziuns fora de nia che an ne se aspeta nia
- > Guant scür canche an ne vèiga nia bun
- > Nia jí sòn les strisciores pedonales
- > Sté chic sòn les strisciores pedonales
- > Fá la belaita sòn strada
- > Dejatenziun y destraziun
- > Maladoranza de alcol y droga
- > Pücia segnalaziun tres le lingaz dl corp
- > Suravalutaziun dles capacités de reaziun de chi che vá cun l'auto

FAI CHE AN





FEJ SOVĚNZ

Faturs de prigo por chi che vá cun l'auto y por chi che vá cun la roda

- > Telefoné tran che an vá cun l'auto, destraziun
- > Jí debota
- > Surapretenjiun te incrujades olache an ne vëiga nia bun
- > Dejosservanza dl dovëi da s'archité
- > Nia tigní cunt di dërc de chi che vá a pe
- > Odëi massa tert chi che vá a pe
- > Dejosservanza dl ciantun mort
- > Zoruché zënza mëte averda
- > Maladoranza de alcol y droga





16 CI FEJ PA LE SORVISC STRADES?

CI FEJ PÄ LE SORVISC STRADES?

Les strisciores pedonales é n argomënt dër important por l'Äministraziun provinziala.

- [*] A na moda che les strisciores pedonales sides saurides da odëi y sigüdes da passé ia, vëgneres sprinzades jö cun n corú de marcaziun che refletëia y che ne fej nia slizié.
- [*] Sön les strades olache al passa tröc auti vëgnel datrai adoré n material plastich metü adöm da dui componënc.
- [*] Dötes les strisciores pedonales sön les strades provinziales vëgn controlades y fates danü vigni ann. Dan-

tadöt d'invern vëgnel danejë les strisciores pedonales, ajache al vëgn sternü se, desparé la nëi y metü sö morones.

- [*] N'atenziun particulara ti vëgn dada ala realisaziun de strisciores pedonales zënza impedimënc architetonics.
- [*] Tl caje de strades leries y de n majer prigo d'inzidënt, vëgn les strisciores pedonales atrezades cun isoles de segurëza y proteziun.



CONSËIS EN CÖRT

Chi che vá a pe á le dovëi da passé ia la strada sön
les strisciores pedonales (sce ares ne n'è nia plü dalunc co 100 m).

Chi che vá cun l'auto á le dovëi da ti
dé la precedënza a chi che vá a pe.

Än mëss se sburlé la roda da passé ia la strada
sön les strisciores pedonales.

Chi che vá cun l'auto á le dovëi da tigní particular-
mënter cunt di mituns, dla jënt atempada y dles
porsones cun handicap.